


Mat 26



Avong ahetai
(6) mulamu en
avong ten Anien ten
Mul Laui, Iesu va en
meteimal ten out Betani.
Va ro en teim onen Lasaros,
meatin koa sakini moul
eris ran matien. Evus,
Meri kur hati senta tai
koa amumon en nard koa mani
teni mariso vis mariso mok. Va
vesesal ven Iesu ka mutahi en alen keke vahouhou
mini. Evus, Meri muuli en hilin. Navong mumoni,
more vite ten senta enek ka vasi out neim.



Navong akanian evus, Sudas Eskariot, tai en meatin
teindan elu (12) onen Iesu, va ven asuv keil onen pris
keil keke hema lat Iesu heha
en he. Keil asi keil navong
araengoni, ka avat kati mini
avit ihuli. Sakini, Sudas
mul lekat sise heka ien
hema lat Iesu
min keil.



Sakini meatin keil onen uva ka amumoni suval koa Iesu viteni min keil. Ekonek, asak mesein Anien ten Mul Laui. Navong amul akanian, Iesu kur veret ka san masmasien min Ahi veni. Evus vul vahasi ka navong mul riti min meatin keil onen viteni vit, "Mihekuri miheani. Koanik vi avek."



3

Evus, Iesu kur veiuvaen, san masmasien min Ahi veni ka navong sani min keil viteni vit, "Kami vasi mihemuni. Uaen koanik vi rak vasakin hatkatien hau onen Ahi vakeih ka vamai vahi anatin. Rak houe ven meatin houlu vakas motein meten Ahi keke hermudentei mun usil tisaen keil one."



4

Evus, Iesu viteni min Saemon Pita vit, "Saemon, Saemon kitaengonau! Temat vis Ahi keke vasak vis kami vasi, ka Ahi maeni tuai keke vailea anatinien ten demkatien onami. Ka inau navis venuk Saemon keke demkatien onom hervustei. Ka navong kihiles moulien onom ka demkatien onom hemai ris hekeih enau, kiha kikataun demkatien onen tumali keil hemai hekeih tamun."



5

Ka Pita mea ka viteni mini vit, "Asuv, inau nasak mesei keke maha en eim takeih vatal minuk ka mamat vatal minuk!" Ka Iesu vit kesi mini vit, "Naviteni minuk Pita, navong ato herkokorattei mau en visokon semau ekek, keik kuun hatte hetal (3) keke koreingeingenau."



6


Evus, Iesu va en out tai avise en Ketsemane ral min onen keil. Navong arokol out enek, Iesu viteni min keil vit, "Mihetondan ekok ka mihetosin nau. Inau maha mau keiva ke mahis." Kei viteni vit, "Tata onak eli. Kokilea kovoumon tounah vas. Konoumontei li nau nanalong mahien. Ka kirmumontei hesuval koa inau ek vati. Kumonis hesuval koa keik em vati."



7

Sakini, navong Sudas va keke vamae lat Iesu vaha min hen vativieh keil onen, mulamun vangi meatin tavaeen keil ten out Rom ral min meatin taleikokoeien keil ten Eim Votut koa asuv keil onen pris keil ka Farasi keil asila keil uva.

Ka umai ral min laet ka ai tahuen keil one. Evus, tai en keil leh lat naef onen ka musah koteh ralingen matu onen slev onen asuv houlu onen pris keil. Ka Iesu vit, "Ei, vus tuai!" Evus, kei mutelan hen rokol ralingen slev enek ka sak revi.



8

Keil avuli kat Iesu ka amulamuni uva en teim onen asuv houlu onen pris keil. Ka Pita mul lehni musil keil. Navong arokol teim enek, amunit ahang tai mul mukan luhu en teahu teni. Ka Pita mul rondan vituai ral min keil.



9

Evus, slev tai onen asuv houlu onen pris keil, koa mul en vatiamal onen slev koa Pita ra koteh ralingen, viteni vit, "ʔKa rovitei keik koa nalesuk en nei olip ral mini?" Hatte etel eni, Pita muun vit, "Vuo, rovitei inau." Ka en hati avong enek, ato kokorat. Sakini, Pita lokovein teahu enek, tin mah houlu ka murang.



10

Hetetamen vasi keil koa amul en kot onen Siu keil amea ka amulamun Iesu va mulomal en meten asuv Paelet, koa mul losil kat provins ten out Sudea. Sakini, Paelet vis Iesu vit, "ʔMukave? ʔAnatin keke keik kovi asuv houlu onen Siu keil?" Iesu vit kesi vit,



11


"Suval etin koa koviteni."

Paelet en vati vamaen Iesu vaha vamaaluv, sakini vit risi min vangi meatin keil enek vit, "Inau nimaen Iesu heha hemaluv!" Ka keil avikiti aviso keih tamun avit, "Ti kati en aiveave! Ti kati en aiveave!"



12

Sakini, Paelet sa lat Iesu va min meatin tavaeen keil onen keke avalamuni ka avati kati en aiveave. Sakini, meatin tavaeen keil amulamun Iesu vina en 'Out ten Asi ten Avat,' koa avise en 'Kolkota' en selusien ten Hibru. Ka akeih kat Iesu vous sasen en aiveave onen.




13

En out enek amuti kat Iesu. Amuti kati luhu en meatin elu emun, koa lumul en usite keilu onen.



14

Mal en taviai, out viles mai vopoli ka mul mukonek rokol tri klok en mendilah, veni meteiai romukantei mun. Evus, kaliko koa mul koe out votut neim en Eim Votut onen Ahi sipasi elu. Ka en avong enek, Iesu viso va ven Ahi vit, "Tata, naling moulén onak en hem." Navong viten koanik, Iesu leh kor en eang, ka mat.




15

Meatin tai, isen Siosep ten out Aramatea, metauen tovuol ien ka kei vavis AsuvPaelet ven teiai onen Iesu. Kei vi hetamen tai ten Kaonsel onen Siu keil koa avouhou mini. Kei mun, mul rosin avong koa hiasuvien onen Ahi hekistal en out netan.

Sakini, Siosep va, vul kaliko tamuoh tai, ka va kulat teiai onen Iesu ran aiveave. Evus, kav koe en kaliko ka lingi va en valengeihat tai koa arei meseini tuai. Evus, rein mari ahat vita mul koe voiteh ten valengeihat enek.

16

Out mulan en Sabat, asuv keil onen pris keil ka Farasi keil uva avales Paelet. Umai veni ka aviteni avit, "Asuv, memundem kati keke navong meatin taluvosien enek moul veah kei viteni vit, 'Avong hetel evus, inau nimoul eris ran matien.'"



17

Sakini keil uva ral min meatin tavaeen keil, aling siil vating koe voiteh teni, ka aling vangi meatin tavaeen keil alei kokoe.



18

Navong Sabat evus, out mulan en Sande, Meri ten out Makdela ka Meri tateisav luva keke luvasao en valengeihat tatetahinien onen Iesu. Hatte tas, alu mulu keih veni angelo tai onen Ahi Asuv mita netan ran out nesa.



19

Kei rei lat ahat koa mul koe voiteh eva, ka rondan eni. Navong meatin tavaeen keil alesí, ametau houlu ka ale maleilei. Keil umotmot ka e von, asakras avoumon etai tounah.



20

Ka angelo selus min luahin enek vit,
 "¡Milnametautei! Nakilea milmul
 millekat Iesu koa amuti kati
 en aiveave. Kei rorotei
 mun ekok. Anatin, kei
 moul eris ran matien
 suval koa kei viteni.
 Milhemai ekok ka
 milheles out koa

aling teiai onen
 mul ien."

21

Sakini keilu lumea ran valengeihat
 ka lukalah lumuloh luva keke
 luvahithiteni min meatin keil
 onen Iesu. Lumetau ka annivul
 kat keilu, ka mukos,
 luvilelau en sien.

22

Navong lumul veah luva, hatte tas,
 Iesu visu min keilu ka vit, "¡More!
 Tomat onen Ahi heto ven kamil."
 Navong lulesi, lumai veni,
 ka lumot luvuli kat alen
 keilu ka luvouhou mini.

23

Katau suk, Iesu kistal ven teindan tai (11) onen
 navong amul akanian. Ka vul kat keil veni demkatien
 one tovuol ka vatie keih ramat veni arkurtei anatin en
 selusien onen koakeil avit leini avit alesi moul eris ran
 matien. Navong Iesu selus ral min meatin teindan tai
 (11) onen evus, Ahi kulati ran keil ka kuri vina nesa.
 En out nesa, Iesu rondan en usite matu onen Ahi.

24

Veni envatien onen Ahi mul en
 meatin vasi keil ten out netan houlu
 vis houlu mok, mae lat Natnali tas.
 Ka koakeil vasi akur anatin
 eni irvuoltei, ka ikur
 moulrien ten
 lisenges.

54



60

25

Rom 3:23

Veni meatin vasi keil amumon tisaen, asakras avatokol
 hetetamenien koa Ahi ling kati keke meatin keil avato ien.

Rom 6:23

Veni ui umen ten tisaen keil orer vi matien. Ka Ahi mul sa
 maen moulrien ten lisenges suval sanien tai min koakeil vasi
 akapil vituai ral min Iesu Kristo, Asuv orer.

Hib 9:27

Ahi ling kati keke meatin vasi imat avong hetas. Ka
 hekatau, keil ilomal en meten en mari kot onen keke valei
 rahit usite one.

26

Efes 2:8,9

Anatin, ka en more envatien onen Ahi enges, kei mutut kami veni mimul miling desien onami en Kristo. Mirkurtei moulien ten lisenges vaka en etai tounah koa kami enges mimumoni. Vuo, moulien ten lisenges enek vi sanien tai koa Ahi varei mul sani. Anatin, moulien enek rovitei uumen onenetai meatin keke kilea vahasi kei veni.

Rom 10:9,10

Veni munak mivit leini en ongomi keke Iesu vi Asuv, ka mikur anatin eni en tinomi keke Ahi rali lati ran matien, Ahi houtut moulien onami. Veni navong meatin tai kur anatin eni en tin, Ahi lesi mal tuai en meten. Ka navong vit leini en ongon, Ahi mutut moulien onen tuai.

27

Sion 3:16,17

Veni envatien onen Ahi mul en meatin vasi keil ten out netan houlu vis houlu mok, mae lat Natnali tas. Ka koakeil vasi akur anatin eni irvuoltei, ka ikur moulien ten lisenges. Ahi rosantei Natnali vamita en out netan keke valei rahat usite onen meatin keil ven sakien tisa keil one. Vuo, Ahi san Natnali mita keke voumon sise voutut meatin keil ten out netan.

1 Sion 5:11-13

Asa koa Ahi mul viteni keie: Ahi san moulien ten lisenges min ir, ka mumon Natnali vi sise teni. Sakini, meatin koa kur Natin Ahi en moulien onen, kei kur moulien ten lisenges. Ka meatin koa rokurtei Natnali en moulien onen, kei rokurtei moulien ten lisenges. Namul namutis va min kami koa mikur anatin en Natin Ahi keke miheilea mikur moulien ten lisenges tuai.

28

Mat 26-28; Luk 22-24; Sion 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Paama Bible (pma) © 2016, Wycliffe Bible
Translators, Inc. All rights reserved.

<https://live.bible.is/bible/PMAWBT/MAT/1>

©2026 Bible for Children, Inc.

www.M1914.org www.bibleforchildren.org

29